

南宮縣志卷十八目錄

人物篇

文苑列傳

共三十一人

張昌齡

呂仲孚

張玘

康繼禮

尹

字

盧鳳

孟隱畊

郭士吉

李鳴春

丁

繹

連佳樗

朱克振

齊維藩

孔琦

孔

璟

白暹

鄭宏慶

李燮元

賈穆

周

兆升

李應期

張紹載

王書勳

李儒涓

齊

如穎

劉芳

喬國楨

于鳳閣

劉登瀛

李

剛己

李慶年

文苑附傳

共三十一人

孫晉康 辛通 康邦直 張庸 張凌霄

李振采 張光豸 周史 鄭灝 齊之璠

張堪 齊繼程 齊建功 陳堯年 李鳴珂

齊立祥 崔藝 關雲鳳 關景文 苗明

陳楹 陳德新 王涑 齊文綱 薛景晦

張清荃 張峻德 董芳三 齊琢圻 張鑄

韓鈔堂

南宮縣志卷十八

鹽山賈恩紱編輯

文獻志

人物篇中

文苑列傳

唐張昌齡弱冠與兄昌宗以文詞知名聲振京邑本州欲以秀才舉之昌齡以此科久廢固辭貞觀二十年充進士貢舉及第與王公治齊名考工員外郎王師旦皆紬其等第太宗問其故師旦曰昌齡華而少實其文浮靡非令器也置之高第恐亂陛下風雅帝然其言二十一年翠微宮成詣闕獻頌太宗召見試作息兵詔草俄頃而就太宗甚悅因謂之曰昔

彌衡潘岳皆恃才傲物以至非命卿才不減二賢宜追鑒前軌以副吾所取也乃敕於通事舍人裏供奉尋爲崑山道記室破盧明月平龜茲軍書露布皆昌齡作也一時爲士林稱頌賀蘭敏之奏豫北門修撰尋又罷去乾封元年卒有文集二十卷兄昌宗亦有文學顯慶四年應學綜古今科登進士上第待詔宏文館隨仗供奉官至太子舍人修文館學士撰古今紀年新傳數十篇

參錄新舊唐書

按光緒志錄舊唐書謂明言

貞觀二十一年前及第徐松登科記者亦言文苑英華載其文新書所載王師旦所云當非事實而唐會要載師旦語尤詳並云榜無昌齡等名均係訛言今詳繹各傳之文師旦之語稿非無稽而昌齡是年登第又非妄言蓋唐制及第者不

入仕尙有試吏部一關韓文公三試吏部而無成有出身二十年而不獲祿仍爲布衣者師旦之黜必吏部試也故二十一年經詔試始授以供奉耳觀太宗所言其爲先入師旦之言亦可概見至會要則更甚其詞直以爲昌齡無名蓋混及第與授官爲一事矣茲酌訂其傳如右以俟君子

金呂仲孚字信臣孝友純至累舉不第以詩文自娛

中州志 鄉

貢進士章宗時授同知華州防禦使與浦城張建皆以詩名世著有清漳集數卷

胡志

錢大昕補元史藝文志載之

元張玘善屬文居恒麓精舍自號起莘逸民縣令王瀆重之至正十四年撰蜡神廟碑

胡志

康繼禮元貞二年爲將仕佐郎國子博士善屬文著扁鵲廟

南宮鼎志 卷十八
碑今存

胡志見
畿輔志

明尹宇字汝光嘉靖十一年進士仕至陝西按察副使宇天性豪放不樂拘檢雅好泉石闢園圃莖花木時爲歌詩嘯咏自適人以任達稱之

盧鳳字應治博涉載籍屬文宏暢以貲入太學鳳本富室顧蓬蘽若貧士嘗著田間冠敝衣破履行市中同輩嘲之鳳略不爲意邑中碑碣文字多出其手博采舊聞爲南宮縣志十卷嘉靖中檄修志諸生亂其草鳳本不可復得邑令邢子愿修縣志甚惜之

孟隱畊字耕莘居古堂陽村善書能詩好著述苦春多風靈築聯室列古人法書圖畫與騷人墨客嘯咏其間自爲記因

號聯室居士

郭士吉字希參父繼祖京都人爲邑廣文占籍南宮吉士警敏穎悟博學能文萬曆十三年舉人聯捷進士己丑選庶常一時序記志銘多出其手居館三年授禮垣厯工戶左右給事累陞至宣府北道大參謝病歸里士吉精明強幹所至稱治子三履忠履素履順爲邑諸生工古文辭有父風履順戊寅殉難

李鳴春字曰含范應賓令南宮奇而羅之幕及以部事駐易水又從之遊范爲文家詰匠曰含盡得其學專體會而薄訓詁綜子史而蔑時趨爲文醞醞典則澤於神而不窳腴於色而弗縛著有四書稿批點呂氏春秋中天啟元年進士仕至

戶部郎中

丁繹字若思號嘯野山人自幼失怙復遭明季之亂危險坎
坷出入死生者十餘年當戊寅城陷一家淪亡殆盡母師氏
赴火死繹惟與叔祖母孟氏熒熒孤孀相依爲命補邑諸生
已而鼎革遂絕意進取就里中隙地築榆枋館壘土爲山引
水爲池中起讀書樓蒼松翠竹環列前後雜植榆柳蒔花集
知己暢飲賦詩其中又自號天放散人散人學邃蒙莊詩宗
浪仙富著述不自收拾卒年七十三卒之夕有族人自城歸
者親見其策馬攜僕相與問答云

清連佳樗字克昌父三讓字貞符性至孝年十二居母喪中
禮弱冠入邑庠後嘗就試忽念父心動馳歸戊寅城陷殉難

時佳樛年甫七歲隨母白孺人崎嶇兵火中求父骨受母教
勵志讀書順治五年舉人十八年成進士授中書佳樛博極
羣書爲文古雅淵茂學詩於鉅鹿楊且亭先生著有損庵詩
草廣平申冕盟先生以詩雄海內爲作序稱後勁焉

胡景銓
撰貞符

先生傳參畿輔
志畿輔詩傳

朱克振字肇修邑庠生順治間由鴻臚寺序班爲陝西曲江
縣丞好吟哦惡官途俗態自序其詩集云或策款段馬奔走
紅塵屏息磬折而咤叱之威不堪聽聞或駕一葉扁舟蒼茫
煙水榜人力稍緩則又失之矣追前隨後低盡生平之眉其
厭世故如此詩學中晚唐能自陶寫其性情閒有入盛唐者
誦韓文公爲崔斯立題藍田廨宇記余方有公事子姑去之

南宮果元 卷一
語因名其集曰方有齋

道光志參
畿輔志

齊維藩字价人深沈好古文有奇氣清致繚繞筆端不失古作者立言之旨懼南邑文獻無徵採輯本邑古體文自有明迄清代百五十篇釐爲十卷因輯於大椿舍名椿庭集

孔琦字若韓康熙八年舉人仕開州學正善爲詩古文辭清思逸韻脫稿膾炙人口歸益放意爲詩與同邑李慕庵齊价人唱酬無虛日及卒价人輯其遺稿爲果齋集四卷

孔璟字若宋性通脫嫺騎射不廢吟咏中康熙十八年武進士著近榴齋詩集又以世說新語分類刪其繁蕪補其缺略自題曰千秋遺文

白暹字升卿號柳溪遊庠後每試冠多士以貢生終能詩有

柳溪霧隱二集其遊春迴文一絕意致縣渺爲時所稱

鄭宏慶號裕庵預長子少隨其祖惟孜於京邸爲孫子未先生所器重子未山左鉅公於人不輕許可獨與宏慶爲忘年交康熙五十年領鄉薦時方弱冠後三任教諭嚴考課敦士習所至有聲年六十九致仕好讀書暮年猶不釋卷輿至輒託諸詩以見志註少陵詩凡三易稿采輯本邑事蹟分類編集續前明邢子愿邑志其書簡嚴有法惜今不傳

道光志參
畿輔志

輔詩
傳

李燮元字公梅號慕庵廉訪起龍子詩宗工部凡有咏歌詞旨溫厚得大雅之遺康熙中膺歲薦改恩貢著有慕庵詩文集

賈穆字蘊沖還素子性至孝事繼母能得其歡心聰穎好學凡經史子集莫不編摹成帙行文規仿歐曾詩歌兼擅唐宋康熙間以歲貢選房山縣訓導甫至卽製詩祭賈島墓比歸年已耄耋猶與邑子弟論文不輟著有樊桐山樵文稿瘦仙裔人詩稿康熙五十九年祀鄉賢

舊志

周兆升字健南乾隆癸酉拔貢家貧好學復肆餘力於詩天才俊逸吐屬無俗韻中年馳驅齊魯燕趙間所至與名流唱和詩愈工由教習官昌黎縣教諭考滿陞授順德府學教授未赴任卒著有衍祐堂餘事社蘿月軒等集論者謂其詩風味氣韻逼近義山

道光志參畿輔志畿輔詩傳並鮑敬亭撰詩集敘

李應期字坦甫號樂泉邑諸生家貧善吟咏得陶謝逸致工

丹青興至揮毫筆情神妙年四十後閉戶靜養吟嘯自得著有茅簷詩草一卷

張紹載字宗渠邑諸生貌癯性古風格凜然居喪執禮爲時所稱中年喪偶不再娶家貧以詩自娛愛遊名勝所至鬻米爲炊或主人出酒饌款留則辭謝去年旣高尤喜偕後輩歌吟抗言今昔媿媿不倦意所不許鄙夷不屑道卒年八十六王書勳字銘之號立山亦號荔山少有俊才乾隆五十一年舉人遵例授內閣中書旋丁母憂絕意仕進爲人瀟灑出塵鎮靜寡言笑工書尤精篆隸畫稱逸品鑒別古人法書圖畫觸目卽識眞贗旁通岐黃律呂等書皆能入其堂奧古文秀逸雅健自成一家著述甚富惜散佚

南宮縣志 卷十一
宋儒溇字先承貌樸而性慧讀書過目不忘經術湛深爲文不循時蹊以左國史漢爲宗乾隆五十七年舉於鄉一赴春闈不第尋卒時人惜之

齊如穎字茗發號穎山邑廩生早歲能文工詩賦善書爲吳學使所賞一時碑碣多出其手有窶人數索書鬻之往往得重償著有吟嘯軒焚餘草雙鯉尺素藏於家

劉芳字信庵歲貢生幼聰穎篤志好學生平於書無所不讀而性情高曠不慕榮利四赴京兆試三薦不售每值大比或有勸駕者則曰功名身外物得失何關吾豈老死而後止者比也設帳授徒計六十年遊其門者多所成就尤邃於易旁通六壬奇門之學人有疑難事就決輒奇中然初不欲以此

見也著有易學入門左傳提綱駢字類編俱若干卷待梓年八十三歲卒

喬國楨原名木字穉香積學能文厯主講鉅鹿威縣書院遊其門者數百人路士桓李剛己邢之襄等皆其高第弟子中光緒己丑舉人壬辰進士河南卽用知縣旋授奉天錦州府教授兼錦縣教諭文章著述橫絕一時尤工於詩脫稿後皆膾炙人口彌留時賦詩八韻溘然而逝年七十餘著有槐蔭齋詩集六卷

于鳳閣字桐山清光緒己丑與弟鳳鳴同榜舉人戊戌進士任安徽懷遠望江知縣剛明清介請託不行以事與上峯齟齬致任民國初年被選爲省議員多所建白善書畫工詩賦

南宮縣志 卷十八
一
及古文辭著有皖江遺響江洲雜詠大雷餘韻江樓詩草古文講義各若干卷藏於家

劉登瀛字際唐年十五補弟子員桐城吳肇甫先生牧冀遴選屬縣才俊各一以入信都書院資以膏火登瀛與焉是時新城王晉卿主講書院既得名師復受吳先生訓導由是學益邃文益高光緒乙酉膺選拔戊子擢鄉魁選授鉅鹿縣訓導是時吳先生亦去冀主講蓮池書院有所疑則寓書往復清廷變政直隸學校司派赴日本考察教育歸國派充省視學及保定高等學堂優級師範教員三十三年舉貢考職以知縣用分發山東非其好也不赴其後歷充河北大學山西大學教授前後二三十年中盡心教育暇則致力所學自音

韻小學政治地理無不洞其源而澈其流不求諧俗亦不驚
名高爲文則一稟乎吳先生之教立身不苟不是己非人不
大言駭俗河北學子無不尊爲一時耆宿者著有倫理講義
一卷詩文集四卷

李剛己字剛己幼有儁才十餘歲時應童子試冀州牧桐城
吳公汝綸一見詔爲瑰寶招入署使從南通范當世遊學益
猛進吳公嘗撰聯贈之云奇才間出漢三輔宏識下視禹九
州其賞異如此吳公棄官主講保定蓮池書院蓮池爲北方
人文淵藪剛己時年最少而試輒冠其曹同學莫不敬服光
緒癸巳甲午聯捷成進士以知縣分發山西旋丁外艱回藉
出襄湖北學使蔣式芬幕所至稱得人復得江山之助發爲

文章詩歌益闕肆入古服闋赴晉補大同縣知縣歷署代州靈邱繁峙五台靜樂等州縣實心實政廉靜愛民頌聲大著而名高謗生卒不得赴本任國變後大同軍亂始使往弭之至則恩威併用軍民大和兼署大同府事大府呈薦以監司交國務院存記而剛己已厭事謝病歸矣會邑人趙憲曾主辦直隸高等師範念文學日窳必欲得大師以振導之也爲設國文專科延剛己主講循循善誘諸生悅服竟以勞瘁卒年僅四十有三著有詩文集及西教紀略行世

李慶年字雲甫性穎悟善讀書爲文有奇氣桐城吳摯甫先生嘗嘉賞之會課多列甲等領鄉薦後淡於榮利喜佛老學嘗註神仙通鑑行世

文苑附傳 書畫 制藝 醫學

宋孫晉康天禧五年爲翰林學士院令史善書書興福寺佛

頂尊勝經呪法幢書法師鍾元常虞秘監

胡志

金辛通善書大定十八年書普明院碑文竝篆

康邦直鄉貢進士善書所書靈顯廟碑師蘭亭敘

胡志

元張庸善書至正十四年書蜡神廟碑法趙吳興

胡志

明張凌霄號伴鶴廩生性孤潔善章草爲人書多不署名邑

令邢侗書城隍廟神鑒在茲匾神字立筆稍長凌霄驚惜頓

失聲邢詢知甚重之北街關帝廟建石坊邀之書辭偶詣城

提筆書千載勳庸二語爲柱聯興會淋漓有龍跳虎卧之觀

邢急往而凌霄已渺然去屢欲見之終不可得蓋古人閔仲

升之流亞云

道光志參
採訪冊

清李振彩字韜華倜儻有才應鄉試分校者得其卷以元爭不得憤曰非此地莫取留來科作元耳竟置副車撤棘後其本房物色見之極爲稱屈且屬勿入監恐失來科元也後又兩中副車竟不售連損庵送葬詩有多才窮造物終古痛知音之句其賞識非泛常比

張光豸字映繡康熙十七年鄉試第一其明年聯捷進士授庶常散館轉禮部主事洊陞郎中丁卯提督陝西學政癸未遷福建糧驛道按察司副使致仕著有元魁稿邑太史杜公子靜爲之序謂其文高華偉麗奇峯突兀不屑屑於繩趨尺步之間而淺深合宜緩急有度無往不得其理道之存而規於

聖賢之域時以爲知言其科第與白文裕後先輝映焉

周史字念一號柱臣根郃三子邑廩生天性純誠恪遵詩禮日披家藏書與兄同攻舉子業兄易康熙二十四年拔貢四十七年舉人兄書廩生史久困名場操修益進謂讀書志在聖賢功名其末也課子姪以躬行實踐爲本不屑以文翰名家子兆鳳監生鵬舉鶚薦道隆俱諸生猶子兆升乾隆十八年拔貢其餘多所成就克紹家風邑令王霖以書香世美題其門

鄭灝字希淳韋庵長子十六入庠十八食餼鄉先達咸器之數奇不偶康熙四十一年中副榜五十年領鄉薦年四十八矣再赴春闈不售一意嘉獎後進從遊者踵相接焉爲文法

南宮縣志 卷之八
脈關鍵一稟先正經指授者多掇科第姪宏慶辛卯同榜馮
湛王晨先後登賢書杜兆觀登拔萃皆出其門

齊之璠字文玉博學善書畫性恬澹無求於世門前有隙地
闢以爲園構亭其中題其園曰日涉亭曰閒閒連損庵先生
爲之記康熙中修縣志十景圖其遺筆也

張堪字舜舉有高行少應童子試進場例搜檢拂然曰以上
子爲賊耶拂衣出終身不就試自名其廬曰耐寒精舍畫善
寫意親友得其書畫者至今皆寶藏之子幼清字廉兮乾隆
辛酉拔貢著四書五經講義孫汝緒字立峯嘉慶己未進士
著有靜觀堂稿克紹家學云

齊繼程字雪門少穎敏爲文熟鍊有法嘉慶三年舉人善成

就後學弟文振中經魁欽登選拔皆經其指授司教靜海勤
講諭善誘掖士林悅服僅十月以疾卒闔庠痛惜措資送櫬
歸里

齊建功字近宸歲貢生性方嚴寡言笑積學能文著有樸庵
文稿行世論者謂其靈警清新足爲初學寶筏

陳堯年字欽齋號允章優貢性情嚴正與時齟齬日以書帖
自娛楷寫歐顏草法二王摹洎化閣並擬山園諸帖悉極神
似南邑爲之紙貴片紙殘幅至今皆視爲拱璧

李鳴珂字佩庵天才亮拔性情寬和爲文必體會聖賢理脈
道光十五年領鄉解大挑一等授福建古田縣山深界雜素
稱難治鳴珂以風雅行之民隨而化未久因外艱歸服闋授

石砭廳不就賦簡兮之詩以自娛

齊立祥字和衷恩貢生秉性鯁直操守嚴介探原聖賢實學不屑於文藝之末咸豐三年髮逆竄直境總理團局實事求是蒙曾文正公保奏遇缺訓導於光緒二十年選缺邯鄲已卒選輯有近墨十則小試八則試帖三要

崔藝字子游號筠谷能詩善畫山水法荆關得其雄厚人物花卉俱入能品名動四方居京師館於王相國子雍家日與劉相國延清汪尙書謹堂諸公游一時名公卿皆敬禮之歸里後偶一染翰幾爲洛陽紙貴迄今得其遺墨皆珍藏之

關雲鳳字德輝恩貢生積學能文究心醫學於歧黃書無不讀因病立方皆應手而愈不索謝亦無德色人稱爲君子醫

云

關景文字畫山雲鳳次子以醫學傳家臨症小心洞達病源有起死回生之妙子士通字經訓恩貢生好讀祖父藏書並經驗良方潛心研究醫學獨精孫和圃以三世儒醫額其門苗明字皓月邑庠生性情嚴正學問淵博尤潛心歧黃書及子文欽入庠亦以醫學授之父子相繼活人不索謝遠近皆樂稱之

陳楹字殿柱候選鹽經歷少讀書不售思欲濟人乃習歧黃日夜研究能以意爲治不拘成方多奇效無論時之寒暑人之貧富造請必往貧者施以良藥或酬以銀幣不受邑人咸德之子熙年字遐齡邑庠生精醫學書無不讀極險症著手

卽愈活人無算孫壘又能習其業家傳不墜

陳德新字耀彩精歧黃活人甚眾邑令旌其門壽七十八無疾而終著有經驗良方二卷集驗良方二卷

王涑字嘉穀書法大令有奇氣尤善畫墨菊淡淡數筆逸趣橫生

齊文綱字舉三別號菊珊邑庠生善花卉翎毛而牡丹尤著名子書桂字馥巖一號小珊善承家學又擴而充之寫生花鳥有生動之態花卉設色鮮豔可愛間寫人物然不多作草書有逸致畫果品石頭亦自可喜歲貢李慶來善畫竹蘭亦爲時所稱

薛景晦字涵鼎性嗜菊所植多異品花發以詩酒招同人作

率真社尤善醫術著有甯靜齋薛氏醫案六卷篋筭錄八卷
藏於家

張清荃字蘊石作篆書及花卉山水各臻其妙亦精醫術

張峻德字克明精歧黃術著濟世叢書六卷子輝廷字朝甫
著胎產保元二卷孫武魁字英豪著痘疹辨難二卷道光二
十八年里黨額其門

董芳三字芬堂光緒辛卯舉人精歧黃術所治療全活甚多
由是以醫著

齊琢圻字聘九善畫圖章別開生面邑人陳堯年嘗贊之

張鑄字劍農號子陶幼讀書善畫花卉翎毛山水墨梅晚年
遊天津歸來畫法益進多寫山水及墨梅摹仿諸大家有出

藍之妙

韓鈞堂字韻珊幼時卽以冠軍入泮遊學日本數歷寒暑卒業於仙台醫學歸國後充陸軍第一師軍醫處處長轉徙於江浙皖贛各省而尤以正陽關之役治療傷兵最夥民國初辭職北上主講直隸優級師範醫科繼又主講國立醫學專門學校時值留學生甄拔試驗名列甲等第一以薦任職分發內務部任用與趙君憲曾創辦醫學專門學校於保定以體弱不堪其勞遂薦賢自代仍赴內務部供職旋任技正兼防疫處主任民國十年卒年三十六歲

南宮縣志卷十八終

邑人邢之襄校